

## 曹序

武昌倡義以來。民國既成。而大陸龍蛇。紅羊應劫。南北爭權之戰。各省攘奪之爭。甚至南與南爭。北與北戰。持槍種煙。據地販土。年年烽火。處處弄兵。赤子神州。兵連禍結。沙場之冤鬼。風雨夜啼。家內之妻兒。犧牲殆盡。孔家謂春秋無義戰。今之民國。亦復如是。陳跡俱在。自侮居多。勇於私鬥。怯於公戰。二十年來。無一可紀。昔李鴻章自誇平太平天國之功於德相俾士麥之前。而德相鄙爲自殘同種。歐美羞稱也。而功德蓋天地。義勇冠三軍。足以存中國而救民族。永爲民國之義戰者。莫如十九路軍之抗暴日。讀十九路軍一二一旅張翼之旅長之抗日戰紀。自開戰至退守崑山。引寇深入。計欲盡殲強虜之日止。按日殺敵之軍中日記。可歌可泣。可學可風。並使天下後世。知世界強權之不足畏。而保國血戰之健兒。對祖宗艱難締造之河山。捨性命以報國土衆生之恩。流血疆場。是爲菩薩。凡有血氣。莫不起敬。特序之。曹亞伯

## 李序

昔孟軻有云。地方百里而可以王。解之者曰。王者非自王之謂。得人民愛戴之謂也。我國之東北三省。地廣二百五十萬方里。人口二百七百萬衆。乃以內政不修。猝爲敵國所乘。喪師失地。爲世戮笑。今十九路軍以三萬之衆。抗日寇十萬之師。斬將奪旗。殺傷過當。以彼例此。良足以廉頑而立懦。雖以政府之力主和議。斬其後援。於無可如何之際。撤退崑山。觀其撤兵之部勒。續戰之決心。始知其滬濱一役之決勝。良非偶然倖致之事。吾友翼之旅長。引衆三千。守十餘里之陣。當狼虎之暴。江灣一役。使敵人不致正視我十九路軍。予實稱之。今當編纂本旅戰紀。問序於予。予以爲十九路軍之重心在江灣。其抗日之策應點亦在江灣。喜張君之克本愛國精神。以立不世功而勵末俗也。遂爲之序。

中華民國廿一年六月 日 李栖雲

## 連序

粵自東北難發。國人憤政府之無恥。惟恬退之是尙。羣起而另籌抵制方策。於是經濟絕交之運動。瀰漫全國。而滬市厥爲中心。民廿十二月之統計。日人對我全國之貿易。損失者十而五六焉。彼其方肆兵力以壓東省。不虞我經濟界之足以制其死命。抑國聯之決議。檄使撤兵。日人益徬徨失措。乃不惜孤注之一擲。思以武力脅逼我淞滬。外以轉移國聯之視聽。內以解散我民衆之組織。彼方謂軍人苟安成性。南北攸同。不抵抗之風開於東北。寔及東南。而滬市之收功。直指顧問事耳。不意十九路軍重守土之責。明軍人之義。毅然決然。以武力抵抗其侵略。起與日寇肉搏於茲土。殲敵萬餘衆。抗戰凡三十四日。其戰績之偉烈。洵足以爭國家之人格。而風末俗之澆漓矣。翼之旅長。奉軍長命。率五千之士。據守江灣蘊藻浜之間。策勵全旅。屢摧強敵。蘊藻一役。厥功獨多。雖以後援不發。全師撤守崑山。仍能握要佈陣。條理整然。市井不驚。人民翕服。揆之古名將。何多讓焉。余與旅長曩游汕市。訂文字交。今聞其編纂戰紀。傳檄部曲。旣助之博採傍搜。綜合戰績。訂爲簡冊。事垂竣矣。而旅長復有人閩之命。余聞旅長師行所至。地方賴以安謐。而於提倡社會公益事業。尤三致意焉。觀於梅縣合浦之去思而益信。今余將佇看其所以慰蘇人者慰閩人。進而推及於全國。是則其所造於我邦家者。滬戰其始基耳。中華民國廿一年六月三日連濬序

## 自序

曩者本軍以自衛抗日。苦戰凡三十餘日。殺傷過當。而不免彈盡援絕。撤守後防者。其故錯綜不一。然由於我整個民族整個國家組織之落伍。殆無可諱言。今帝國主義者野心未戢。而我國內之政潮震盪猶昔。瞻言前路。危懼實多。吾國家民族困處於此羣暴壓抑中。欲爭取獨立自由。求得光明出路。自非與帝國主義者作殊死戰。努力自救。則恐終不免於淪沒。甲午之役。歐人評爲直隸一省之戰。其時我國之兵力財力。與敵相若。而以政府權奸之傾軋。各省疆吏之觀望。遂爲暴日所摧。誠不意事經三十八年。而吾民族之沉疴。今猶未起。天下可危之事。孰有逾於斯乎。茲編爲一隅一部之戰紀。本無足述。特以抗日自衛。爲我民族生存所繫。其事爲國人所欲知。因輯錄戰時一切文書筆記。并附以其他佚聞專著。彙爲是書。事求詳盡。不避繁瑣。蓋欲使邦人士得備知當時一部分戰鬥之真實狀況。與夫四旁之反應情態。聊以供說書道情之資。倘於此而能收幾鼓舞之效。用共惕然於異族豺虎。而因以振起其合力自救之精神。共赴國難。則又不佞所日夜祈嚮而未得之大願也。

二十一年五月張勵

副師長兼一二二旅長張炎



師參謀長趙錦雯





|     |   |         |     |
|-----|---|---------|-----|
| 戰指在 | } | 炎張長師副   | (左) |
| 時揮大 |   | 勵張長旅旅本  | (中) |
| 攝作場 |   | 渠少溫謀參任主 | (右) |

一二一旅副旅長兼第一團團長梁世驥



本旅主任參謀溫少渠




第三團團長廖起榮



第二團團長田國璋






(一) 况 情 之 戰 抗 兵 士




(一) 事 工 禦 防 築 兵 工 綫 前






砲射高時臨充槍關機



(三) 况情之戰抗兵士






我軍之重砲



我軍砲兵向敵轟射




軍我之中濠戰禦防



高射砲描準射擊飛機


# 戰利品之一



戰利品

等帶彈錄符軍敵

戰利品之二



敵軍步槍子彈服裝等




本旅在江灣作戰時所俘之日敵金澤第九師所屬之空閑昇少佐是役戰鬥極烈敵全軍覆滅

戰利品之三





奪獲敵軍十一年式輕機關槍之一

戰利品之四——飛機機關槍



戰利品之五——太陽旗與軍旗




戰利品之六——鋼盔與槍機

戰利品之七——奪獲敵軍十二年式




輕機關槍之二

爲國捐軀




不全在物質！



在精神！

上海民衆慰勞團體之一



中華口琴會

廣州慰勞團體之二



廣東民衆代表團

鎮江民衆慰勞旗幟之三



# 民衆慰勞品之一斑



民衆慰勞品甚多不勝羅列攝影一幀示我不忘耳  
編者誌